

2^r

DEm Edlen Strengenn Herren
 Eitelecken von Rülchach/ Ritter zum Epberg/ Vogt
 zů Lauffenberg/ 7c. meynem güntigen vnnd gepieten
 den Herrn/ Empeüt ich Hieronimus Boner/ Schult
 hayß zů Colmar/ meyn allzeyt willig vn̄ berayt dienft
 vn̄ alles güť beuor/ Edler Geftrenger güntiger Herr/
 Dieweyl nach anzayg der weyfen/ die vndanckparkeit
 für ein müter aller lafter geachtet/ So wirt nicht vn̄
 billich von Valerio Maximo gefchriben/ das beffer fey von den aller widerwer
 tigften feinden hindergangen vnd betrogen zů werden/ dann das man der em
 pfangnen güthtāt vnd freündtſchafft vndanckpar fein ſolt/ Auch ſagt er Vale
 rius yetzgemelt/ das ein yeder/ der ſich ſaumpt vn̄ verligt/ dem/ der jm güthtāt
 vnd freündtſchafft beweylet/ gegen danckparkeyt züerzaygen/ das gewerb vn̄
 kauffmanſchafft/ güthtāt vnd freündtſchaft zůgeben vnd zů empfahe/ on wōl
 lichts doch der menſchen leben kaum beſton mag/ gentzlich zerftört vnd aufhept/
 Dieweyl mir nun/ des Ewer Strengkeyt güť wiſſen tregt/ von meyn wider
 wertigen/ auß neydifcher art/ doch on allen beyftand der warheit/ vil ſchmach/
 ſchand vnd lafter zůgericht/ vnd fouil inn jnen gewefen/ ſchon volnftreckt/ wie
 dann von jnen berůmpt/ vnnd wiſſent/ Aber auß krafft der warheyť/ die Gott
 felbs/ meyn vnſchuld (die Gott mehr dann jr boßhayť gnädigklich vberwegen
 zůlaſſen gericht/ vnd beſchyrmp) durch Ewer Strengkeyt hilff vnd fürdrun
 ge vor Kay. Maye. 7c. Vnferm aller Gnedigſten Herrn an tag kōnen/ Da
 mit jr boßhafftiger trug vnd ſchalckheyť wider hinderlich inn den Stiffter ge
 floffen/ vn̄ dafelbs mit dem wurm ftāts nagender Concientz vn̄růwig verhar
 rend/ So iſt doch nach Chriſtlicher art meynethalben recht vnd billich/ das ich
 vmb der ehre gots vnd feines gepots/ auch deß willen/ das allain jhm die rach
 zůftatt/ ſollichs zůuerzeihen/ vnd Gott zů bitten/ jhnen ſolliches inn difem zeyt
 zů erkennen vnnd zů beffern geben/ wie ich den Allmechtigen vmb verzeyhung
 meiner vnnd frer fünden/ hiemit demütigklich gebeten habenn will/ Damit ich
 aber gegen E. St. vmb mir hierinn vnd allzeyt bewyfen gunft vnd freündt
 ſchafft/ etlicher maß danckpar erfcheyn/ vnd ich yetz kurtzlich den aller Edleſten
 Griechifchen gefchichtſchreyber auß dem Latein iñ nachuolgend Teütſch ver
 dolmetſcht/ hab ich den/ iñ E. St. namen zů ewiger löblichen vnd Ritterlich
 en gedächtnus inn druck geben/ vnd damit verehern wōllen/ Dañ der ſchreybt
 von den aller ritterlichſten thaten/ ſo die Griechen vnder vnnd widereinander
 begangen/ das E. St. inn güntigem gemūt zů gefallen annemen/ vn̄ wie ichs
 dienſtlich vnd güť gemayn/ verſton/ Wōlle mir auch hiemit alltzeit zů gepieten
 haben/ Datum Colmar/ den ij. tag Auguſti/ Anno. M. D. XXXij.